


XV

Ni c'houlen pardon evit hor bro garet,  
 Evit an holl dud zo dallet ho spered,  
 Ni c'houlen truez evit hor re vihan,  
 Vidomp hon unan.

GWENNAEL.

*Santez Mari mam Doue  
 Diouallit ho pugale.*



**Cantik**  
**INTRON VARIA LEUHAN**

DISCAN :

O Guerc'hez dinam, deut er bed heb pec'hed,  
 Da chapel Leuhan ni zired d'ho cuelet ;  
 Euz barr ar envou selaouit heb dale  
 Mouez ho pugale.

I

Bep ploaz e veler euz douar Breiz-Izel  
 An dud niveruz, laouen o tilezel  
 Ho zi, ho labour, da vonet d'ho pedi  
 Da Lourd, o Mari.

II

Ni garfe nijal tre d'ar roc'h burzuduz  
 A zo bet breset gant ho treid, mam Jesus,  
 D'ar feunteun dispar, louzaouen peb clenved,  
 Ar c'horf, ar spered.

---

Pardon bras Lourd *d'an trede sul a viz Gouere.*  
*D'ar zadorn-arog* : Offerennou da 7 ha da 8 heur.  
 Da 8 h. 1/2 deuz an noz : procession deus an iliz  
 parrez da Lourd ; gousperou ; sermon ; procession  
 ar goulou. Coessionnou epad an noz.  
*D'ar zul* : Offerennou, da 2 h., 6, 7, 8 h. Offeren  
 bred da 10 h. 1/2. Gousperou da 3 h. ; procession ;  
 benediction ar Sakramant.  
*Lun* : Offerennou, 7 ha 8 heur.

## III

Ma n'hellomp siouaz ! holl cuitât hor mêziou  
 Da gerzet ken pell, beteg ar menezioù,  
 Aman, calonec, d'eoc'h ni gas hor peden  
 Dirag ho skeuden.

## IV

Eur person caret he zavaz eun dervez  
 Dre anaoudegez evidoc'h, o Guerc'hez ;  
 Rag dre ho scoazel e cavaz ar guelec  
 En doa dem-gollet.

## V

Gant ar bloaveziou, bennoz d'an dud fidel,  
 Eur person nevez a zavaz eur chapel  
 Eur men zo ena-hi, euz a Lourd digaset  
 Er voger clozet.

## VI

Eun tam euz ar voal zo ganeoc'h bet douget  
 Euz Rom da Leuhan eun deiz zo digouezet ;  
 Pe seurt relegou a ve ken talvouduz  
 Ha re mam Jesus ?

## VII

Piou c'helfe laret ar grasou ken nerzuz  
 A scuillit leun zorn, o mam madelezuz,  
 Var ar gristenien a deu a greiz calon  
 Aman d'ho pardon.

## VIII

Mam a drugarez, c'houi zo ken gallouduz !  
 Mirit na gouezo varnomp counnar Jesus.  
 Guerc'hez ar menez, scoazellit ac'hanomp,  
 Pedit evidomp.

## IX

Guechall ar Vreiziz, leun a zoujans Doue  
 Hen anavêze vit ho mestr, ho roue.  
 O, grit ma virimp, daoust d'an enebourien  
 Bepred he lezen.

## X

Mez hirio siouaz ! calz a dud fouellet  
 Gant an droug-spered, ho deuz hanter-gollet  
 Feiz coz ho zadou ken stard en ho c'hreden  
 Lezet ar beden.

## XI

Na ped, d'ar guener, coulz ha d'ar vijilou  
 A dor al lezen o tibri ho frejou ;  
 Ena-ho ar pec'hed, gant ar boued difennet  
 A zo diskennet.

## XII

Lod zo ne glevont, d'ar zul na d'ar gueliou,  
 Mouez drant ar c'hleyer ho galv d'an ilizou ;  
 Lod n'ouzont paouez, zoken var ar mêziou  
 Da feiz an Aotrou.

## XIII

Darn zo dizeblant euz ene ar bugel  
 Crouadur Doue, templ ar Spered Santel,  
 Grêt evit beva en envou peurbaduz  
 Gant he vreur Jesus.

## XIV

Euz ar guall-scueriou hag ar scol dibater  
 Mirit, mam zantel, hor bugale dener ;  
 Criz eo ar brezel zo d'ho feiz discleriet  
 Gant tud milliget.